





**HISTORIA Y SIGNIFICADO
DI DIA DI BETICO**
Commemoracion di un
Heroe Nacional



WWW.SOLODIPUEBLO.COM



SOLODIPUEBLO@GMAIL.COM

ENGAÑO DI DELLO RIBA E REFORMA FISCAL DI XIOMARA



Resultado di bon trabou y e pasion cu e tin pa deporte
**PROME MINISTER TA FELICITA EX-
MINISTER DI DEPORTE ENDY CROES
CU PROYECTO DI LUZNAN LED PA 5
CANCHA DEPORTIVO**

TRUMP A HURAMENTA COMO DI 47 PRESIDENTE DI MERCA



CONSTRUCCION DI E RESTAURANT NA BABY BEACH, PARTI DI E MASTERPLAN SERO COLORADO



Awo cu 2 florin mas, bo por gana e **MEGA PLUS**

* Afl.

1.000.000,-

* Afl. 650.000,- + Afl. 350.000,-
extra



HUNGA AWO



Benta ta sera 7:30 pm y sorteo ta hunga 7:45 pm

Prome Minister Evelyn Wever-Croes:

Resultado di bon trabou y e pasion cu e tin pa deporte **PROME MINISTER TA FELICITA EX-MINISTER DI DEPORTE ENDY CROES CU PROYECTO DI LUZNAN LED PA 5 CANCHA DEPORTIVO**



– Recientemente a yega Evelyn Wever Croes ta Aruba e carga di luz LED indica cu esaki ta parti di pa e prome 5 canchanan un proyecto di renobacion deportivo. Prome Minister di ex-Minister Endy Croes

di canchanan deportivo na Aruba cu ta inclui luz nobo di tecnologia LED.

Pronto trabounan lo inicia y e prome canchanan cu lo haya luznan LED nobo danki na e proyecto aki. E canchanan aki ta di Estrella, San Luis Deportivo, Tanki Leendert, Sport Boys y veld di Dakota. Ta trata di lusnan LED ultra moderno, di calidad cu por wanta condicionnan

di clima manera biento y awacero. Tambe e luznan ta duna iluminacion uniforme y adecuado pa un cancha di deporte. Nan tin un iluminacion efectivo y ta provee un nivel di luz consistente riba henter e tereno di wega.

“Tur cancha lo yega na turno y e deportistanan, y Aruba en general lo conta cu canchanan bunita, cu ekipo moderno y adecua, unda e clubnan por

practica deporte den tur comodidad. Mi ta gradici ex-Minister Endy Croes pa su bon trabou y e pasion cu e tin pa deporte y awe nos ta mira resultado di su bon trabou refleha den yegada di e carga di luz LED pa diferente cancha di deporte rond di nos isla. Gabinete Wever-Croes a priminti, nos a cumpli y nos ta cumpliendo keto bay. Si deporte gana, Aruba ta gana”, Prome Minister a expresa.

AUTO A BOLTER HUMA STROBA TRAFICO NA TANKI FLIP



Diadomingo adrenta informe di cu un auto ta sacando huma na granel riba e caminda di Tanki Flip pa Hato, mesora a dirigi tanto polis como bombero na e sitio.

Na yegada di e bomberonan ya e pick-up no tabata saca huma mas nan a core bay te Hato y Pos Abao y no a haya ningun otro auto mas y a bolbe bin pariba

hunto cu polis y a bin compronde cu ta e pick-up truck Kia cu nan a topa tabata esun cu tabata saca hopi huma. E huma tabata masha hopi cu autonan no a tripi di sigui riba e caminda y a bira bin bek na ambos banda. Como ya caba e huma a stop bomberonan a regresa na nan post na Tanki Flip y polis a sigui cu nan patruya.

ACCIDENTE MORTAL DI TRAFICO CALBAS

Ministerio Publico a exige diabierna ultimo den caso contra e sospechoso J.E.P.T. un castigo di prison incondicional di cuatro aña. Ademas fiscal a exige pa huez kita e derecho di P.T. pa stuur auto pa un periodo di cinco aña largo.

P.T. ta wordo acusa di a causa un accidente grave di trafico riba 24 di mei 2024 na Calbas y cu tabata pa su culpa cu un motociclista a bin na fayece.

Segun Ministerio Publico no tin niun

duda cu loke a causa e accidente di trafico tabata cu P.T. no a duna voorrang y a bay core riba otro banda di caminda, dor di cual el a boks frontalmente riba motocicleta di e victima. Ministerio Publico ta considera comproba cu e sospechoso a participa den trafico na un manera hopi imprudente, ademas cu e tabata bao influencia di alcohol y tabata core sin rijbewijs.

Apenas un aña prome Ministerio Publico a kita e rijbewijs aki for di dje, despues cu el



a haya un castigo pa core bao influencia di alcohol. Na 2022 el a causa, riba e mes caminda aki, un otro dalmento frontal mientras cu e tabata stuur bao influencia. Riba 7 di februari venidero Corte lo dicta sentencia den e caso.

HISTORIA Y SIGNIFICADO DI DIA DI BETICO

Conmemoracion di un Heroe Nacional



Dia 25 di januari ta un fecha di gran importancia na Aruba: Dia di Betico. E dia aki ta conmemora e legado di Gilberto Francios "Betico" Croes, un lider fundamental den e lucha p'e autodeterminacion di e isla. Betico, conoci pa su lucha incansabel p'e

independencia y bienestar di e pueblo Arubiano, a hunga un papel crucial den politica di e pais durante e decada di 1960 y 1970.

Dia di Betico no solamente ta celebra e hero nacional aki, sino tambe ta sirbi como recordatorio di e

avancenancansa na caminda p'e autonomia di Aruba. Betico Croes tabata clave den e mobilisacion di e pueblo, buscando prome e mehoracion di e situacion politico y social di Aruba dentro di Reino Hulandes. A traves di su vision y su carisma, a logra involucra e sectornan di e poblacion cu tradicionalmente a wordo margina.

E dia aki ta un homenahe

n'e resistencia y e curashi di Betico Croes, kende, a pesar di e dificultadnan a mantene su lucha firme pa un futuro miho pa Aruba. Awe, casi 40 aña despues di su fayecimento, su influencia ta perdura y su nomber ta sinonimo di e autonomia cu Aruba ta disfruta den actualidad.

Dia di Betico ta un oportunidad pa reflexiona riba e importancia di




autodeterminacion y pa recorda un lider cu a cambia rumbo di e historia di e pais.

PERSONAL DI AMBULANS A CPR DAMA TURISTA MAS CU 2 BIAHA DESPUES CU E NO POR A HALA ROSEA BON Y TABATA CAMBIA DI COLOR



Diadomingo mainta a drenta informe di cu tin un dama turista na Westpunt cu tin problema pa hala rosea y su color di curpa ta cambiando, mesora a dirigi un ambulans na e sitio. Na yegada di e ambulans nan a atende e dama na mas cu 2 ocasion e personal di ambulans mester a dun'e CPR. Bayendo hospital e ambulans a pidi un otro ambulans pa asina por bolbe dun'e CPR. Na altura di Turibana Plaza a bolbe para pa duna CPR. Un segundo ambulans tabata biniendo pa yuda nan. Manera nan a haya pulso a bay direccion hospital lagando e ambulans na Turibana. E personal balente di ambulans ta haci nan maximo esfuerso pa scapa bida di e turista.



TRABOU DI MANTENCION NA JAMANOTA

Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

Diahuebs, 23 di januari 2025
8:00 AM te cu 4:00 PM

Den vecindario di:

- Macuarima (un parti)
- Urataka (un parti)
- Warawara (un parti)

Diahuebs, 23 di januari 2025
8:00 AM – 9:00 AM + 3:00 PM – 4:00 PM

Den vecindario di:

- | | |
|---------------------------|-------------------------|
| • Boton | • Maria Maai (un parti) |
| • Bringamosa | • San Fuego (un parti) |
| • Jamanota | • Urataka (un parti) |
| • Jan Flemming (un parti) | • Warawara |
| • Macuarima (un parti) | |

N.V. ELMAR ta pidi disculpa pa e inconveniencia cu e interupcion di coriente aki por causa.

Danki pa e comprension.



CELULAR A CAY DEN LAMA Y MUCHA MUHE DI 13 AÑA CU A BULA BAY SU TRAS A GULI HOPI AWA



Diadomingo atardi a mucha muhe di 13 aña a drenta informe di cu un bula bay den lama ora un

celular a cay den lama y lo a guli hopi awa, mesora a dirigi un ambulans y polis na e sitio. Na yegada di e patruya a nan a bin compronde cu e mucha a bula den awa na momento cu e celular a cay den lama. E mucha muhe lo a guli hopi awa te ora nan a rescate. Na yegada di e ambulans nan a yuda e mucha pero como ela guli hopi awa



ambulans a transporte pa na observacion. hospital pa asina nan tene

THE INFLUENCER TEACHER: BO FUTURO DEN ENSEÑANSA PRIMARIO TA CUMINSA NA IPA

Bo ta buscando un profesion cu ta haci impacto riba e generacion actual y e futuro generacion? Scoge pa e profesion di maestro di Enseñansa Primario. Como maestro bo lo crece riba tereno profesional y personal, bo lo haya satisfaccion di bo trabao y bo lo contribui na futuro di bo pais. Scoge pa e estudio pa Maestro di Enseñansa Primario di Instituto Pedagógico Arubano (IPA) y sea e cambio!

Estudio pa Maestro di Enseñansa Primario ta forma maestro cu ta cualifica pa duna les na mucha di scol preparatorio y/ of scol basico: un maestro cu ta funciona competentemente den klas, na scol y den comunidad. Tin dos grupo di participante cu por haci e estudio pa Maestro di Enseñansa Primario:

1. Estudiante cu tin diploma di sea havo, vwo of mbo nivel 4 of si ta den examen klas di esakinan.

2. Persona cu desde 1 di september 2025 tin minimo 21 aña y cu kier haci un estudio na IPA, pero no tin diploma di sea havo, vwo of mbo nivel 4, por inscribi pa haci e asina yama 21+ Toets. Inscripcion pa e 21+Toets a cera caba for di 29 di november 2024, dus no ta posibel mas pa inscribi pa 21+ Toets pa aña academico 2025-2026.

Informacion di e Estudio pa Maestro di Enseñansa Primario Website

Tur informacion di Estudio pa Maestro di Enseñansa Primario ta riba website di IPA. Subi www.ipaaruba.com y click riba opleidingen sigui pa Leraar Primair Onderwijs. Aki lo bo haya informacion di entre otro contenido di e estudio, kico bo por haci despues di e estudio, gasto y procedura di inscripcion. Open Dag 2025: The Influencer Teacher Durante open dag di IPA,



dia 1 di februari 2025, lo ofrece dos sesion di informacion general di Estudio pa Maestro di Enseñansa Primario cu bo lo por atende. E orario di sesion 1 ta 10:45 am y di sesion 2 ta 11:30 am.

Pae estudio aki nos lo brinda the 'whole experience'. E bishitantenan lo participa activamente na actividad cu nos docentenan di diferente area di formacion a prepara pa nan. Lo clausura e experiencia

aki cu un presentacion di informacion general.


Inscripcion

Tur persona cu ta interesa pa haci Estudio pa Maestro di Enseñansa Primario y of e 21+ Toets por inscribi via e website www.ipaaruba.com. Pa por inscribi mester cumpli cu e pago di AWG 80,- y pone como anexo copia di comprobante di pago den formulario digital di inscripcion. Tene na cuenta cu e comprobante mester tin bo nomber riba

dje, p'asina nos sa na ken e pago ta pertenece. Na final bo lo ricibi confirmacion di bo inscripcion. E ultimo dia pa inscribi pa Estudio pa Maestro di Enseñansa Primario ta dia 1 di mei 2025. Despues di e fecha aki no tin posibilidad mas pa inscribi.

Pa keda altanto di e ultimo desaroyonan di IPA bishita www.ipaaruba.com y sigui nos riba pagina di facebook Instituto Pedagógico Arubano.

BETICO CROES: UN LIDER NACIONAL



Gilberto François Croes, conocido como "Betico", a nace dia 25 di januari 1938 na Aruba. E tabata un politico y lider destaca, kende a hunga un papel fundamental den e lucha p'e autodeterminacion di Aruba dentro di Reino Hulandes.

Fo'i hoben, Betico Croes a involucra profundamente den e causanan social y politico di su pais. El a destaca pa su firme defensa di e derecho di e trahadonan y pa boga pa mehora e condicionnan di bida di e poblacion Arubiano. Su pasion pa husticia social a hib'e na converti den un figura clave den e politica di Aruba.

Betico tabata un di e fundadonan di Movimiento Electoral di Pueblo (MEP), e partido politico cu a hunga un papel crucial den e lucha pa autonomia di Aruba. A lo largo di su

carera, el a converti den un bos importante rib'e isla, luchando pa un futuro mas autonomo y autogoberna a Aruba.

E esfuerso di Betico a culmina cu e status autonomo pa Aruba riba dia prome di januari 1986, loke a permiti e isla maneha su propio asuntonan interno, aunke el a sigui ta parti di Reino Hulandes. Sinembargo, riba dia 31 di december 1985, Betico a sufri un accidente grave di trafico, cu a lag'e den coma. Lamentablemente el a fayece dia 26 di november 1986, casi un año despues di e accidente, sin por a presencia e autonomia pleno cu el a traha asina tanto pa logra.

Aunke e no a biba pa mira e logro di e autonomia di e isla, su legado ta perdura. Dia di Betico, celebra cada 25 di januari, ta un homenahe na su bida y na su incansabel lucha

pa autodeterminacion di Aruba. E dia aki ta converti den un recordatorio anual di su vision y dedicacion.

Awe, Betico Croes ta wordo considera un di e heroenan nacional grandi di Aruba. Su nomber ta sigui ta sinonimo di lucha pa husticia y independencia y su legado ta continua ta un fuente di inspiracion pa tur e Arubianonan.



Peticion pa Kavel Carnaval 71

E FORMULARIO TA RIBA WEBSITE PA DOWNLOAD

Por deposita e formulario aña 2025 Den buzón seya pa notario na DIP, entre 7:30 AM - 4:00 PM.
Tur MEDIA y FUNDACION por entrega nan peticion por escrito na bali di DIP

Con pa Aplica:

Stap 1: Download y Print e Formulario di Peticion

Formulario ta disponibel na <https://www.dip.aw/carnaval-71/>
Cada formulario tin 4 peticion. Pues mester corta esaki prome cu entreg'e.

Stap 2: Yena e formulario Completo y Corecto

Formularionan incorrecto of incompleto lo ser considera invalido.

Stap 3: Pega Zegel/ Stampia na e formulario


Cada formulario mester tin un Zegel/ Stampia na balor di Awg. 4,- obtenibel na Post Kantoor.

Stap 4: Entrega Formulario

Despues di controla cu e formulario ta completo y corecto, deposita e formulario den buzón na DIP, den Hal di Infra Gebouw na Sabana Blanco 68.

Pa mas informacion tuma contacto na: 527-7100 of [dip.aw](https://www.dip.aw)

CONSTRUCCION DI E RESTAURANT NA BABY BEACH, PARTI DI E MASTERPLAN SERO COLORADO



Minister Demisionario Dangui Oduber ta contento di informa pronto e destaho publico pa construccin di restaurant Baby Beach lo bai na vigor. E proyecto di restaurant aki ta forma parti di e masterplan di Sero Colorado.

Despues di un periodo largo di preparacion y ehecucion, e masterplan aki ta drentando su

fase final. E masterplan aki a wordo reparti den diferente fasenan, manera por ehempel e restauracion di e trapi nan na Rodgers y Baby Beach, Realocacion di e turtle wall, restructuracion di Rodgers Beach su parkeo, Baby Beach su parkeo, construccin di un “trafohuis” nobo, renovacion di e dos

canchanan deportivo di tennis na Baby Beach, y awo e construccin di e restaurant na Baby Beach, cual ta situa entre e dos canchanan di tennis.

E realizacion di tur e proyectonan aki a percura pa eleva e calidad di e area completo. Sigur nan lo duna un impulso positivo y lo crea un spinoff economico grandi pa e area aki.

E destaho publico pa construccin di e restaurant lo bai cuminsa dentro di poco pa asina e construccin tambe di e restaurant por cuminsa y wordo finaliza e aña venidero. Una vez e canchanan deportivo di tennis y e restaurant wordo entrega e masterplan di e Proyecto di Baby Beach lo keda cristaliza.

Minister Oduber ta contento cu apesar di masha hopi contratiempo a logra percura pa realiza e



bunita proyecto, caminda a inverti miyones di florin den mehoracion di henter area y pone e area bek den su temponan di gloria. Hopi politico a priminti San Nicolas hopi cos y tiki por a realmente cumpli. Minister Dangui Oduber a bisa loke e ta bai haci y a haci loke e la bisa. Ora cu e proyecto di Baby Beach y Rodgers beach keda

cla henter e area lo keda masha bunita mes.

E maneho cu a wordo a hiba pa Minister Dangui Oduber a enfoka riba haci inversionan den producto Aruba pa asina nos producto keda uno competitivo y e proyecto aki ta demostra con a cumpli cu e maneho tambe cu a wordo hiba.

TRUMP A HURAMENTA COMO DI 47 PRESIDENTE DI MERCA

E polítiko republikano Donald Trump a bira e di 47 presidente den historia di Merca despues di a huramenta den funshon den un seremonia simboliko cu ta permitié regresá cuater aña despues na Cas Blanco i cu ta impliká ‘de facto’ e fin di e mandatario su mandato Demócrata Joe Biden.

Trump, di 78 aña, a

hura riba un Bijbel di famia, dilanti cual el a declama den presencia di e presidente di Corte Supremo, John Roberts, e formula conteni den e Constitucion: “Mi ta hura solemnemente cu lo mi cumpli fielmente cu e cargo di presidente di Merca i “lo mi hasi tur loke ta posibel pa konserbá, protehá i defendé e Konstitushon di Merca.”



Rycond do Nascimento:

ENGAÑO DI DELLO RIBA E REFORMA FISCAL DI XIOMARA

E ta un echo irefutabel cu desde nos Status Aparte no ta existi un gobierno cu a haci mas pa drecha nos finanzas publico cu Gabinete Wever-Croes. Riba area di impuesto Evelyn y Xiomara a esforsa nan mes pa modernisa nos sistema di impuesto, incluyendo un transicion for di dependencia riba impuestonan directo (manera loonbelasting y grondbelasting), pa un enfasis riba impuesto indirecto manera BBO. Nan a purba combina cada paso di e reforma cu un compensacion adecua, demostrando consciencia di e impacto a corto y largo plaso pa pueblo.

Mike Eman a critica e combinacion aki di reforma y compensacion, bisando: MEP ta duna bo 10 florin, kita 100. Gerlien a bin su tras, bisando: MEP ta duna bo 10 florin, kita 1000. Nan no a uza e atake aki mucho, pasobra nan ta reconoce e esfuerso pa trece cambio na un manera prudente. P'esey nan tabata prefera e atake cu MEP a goberna 7 aña cu medida, hincando man den cartera di pueblo, masacrando nos pueblo y causando pobreza. Dunando pueblo asina un cocktail venenoso di instagacion, desinformacion y materialismo desenfrena.

E engaño di Dello

Awo abogado Dello Gomez kier sirbi pueblo e mesun cocktail aki di Mike cu Gerlien. Den un articulo publica dia 13 di januari 2025 riba 24ora Dello ta critica e reduccion di e tarifa di inkomstenbelasting y loonbelasting. Segun Dello e reduccion aki no ta pas den e maneho di Gabinete Wever-Croes cu supuestamente tabata enfoca riba yena caha di gobierno. Dello ta uza e introduccion di

un DGA-regeling na 2023 pa crea e aparencia di logica pa su ponencianan, bisando lo siguiente: "Den un esfuerso pa aumenta e entradanan di belasting, gobierno a anuncia un maneho nobo entrante 1 di januari 2023, asignando un salario fictivo di 48.000 florin pa aña na tur director di compania."

Pero Dello ta gaña, pasobra e meta di e DGA-regeling no tabata e aumento di entrada di gobierno. Su meta tabata pa combati triki y trampa di parti di director-accionista (directeur-grootaandeelhouder of DGA) pa scapa di paga impuesto. Impuesto cu pueblo si mester cumpli cu ne.

Trikiytrampa di inversionista

Pa compronde e triki y trampa, nos mester analisa dos beneficio cu e sistema legal ta brinda inversionista. E prome beneficio ta e posibilidad pa uza un estructura legal di un NV (of un VBA). E NV ta un persona ficticio, esey kiermen cu ley ta trata un NV como un persona normal di carni y weso. Un NV por cera contract, paga impuesto of bay corte mescos cu un persona normal. Si e NV ta haya su mes den problema financiero tur hende mester deal cu e NV mes. Hende no por bati na porta di e inversionista cu a hinca placa den e NV. E unico riesgo cu e inversionista ta core ta cu e por perde e suma cu el a hinca den e accionnan. Pero, e inversionista no ta perde su cas, auto etc. E di dos beneficio cu e accionista ta haya ta e derecho riba e ganashi di e NV. Riba e ganashi cu e accionista ta haya (dividendo), e mester paga dividendbelasting. E impuesto aki ta mas abao cu loonbelasting.

E accionista tin otro



responsabilidad y obligacionnan tambe. Un di responsabilidannan ey ta cu e accionista mester supervisa e director bon, pa e director no echa baina cu e placa di e compania. Asina e control di e accionista ta evita cu e director ta perhudica e empleadonan, clientenan y departamento di impuesto.

E asunto por complica ora cu e accionista principal ta alabes e director di e compania (directeur-grootaandeelhouder of DGA). Den e caso ey e control no por tuma luga. Ta con e director-accionista ta bay controla su mes? Asina e riesgo ta surgi cu e director ta busca manera pa scapa di su obligacion di paga impuesto. Tabatin dos triki cu e director-accionista por haci pa evadi loonbelasting. E prome triki tabata pa keda sin paga su mes ningun salario. E director, pasobra e ta accionista tambe, tabata saca dividendo so. E motibo ta cu e dividendbelasting ta mas abao cu loonbelasting. E di dos triki tabata pa laga e NV gaña duna e director-accionista un prestamo. Nunca tabatin e intencion real pa cobra e prestamo bek. Asina e director tabata scapa

di tanto e loonbelasting como e dividendbelasting.

Dello mester stop cu triki y trampa. Enfin, Dello ta compronde cu Gabinete Wever-Croes a introduci un DGA-regeling na 2023 como un anti-misbruikbepaling den articulo 6a Lv loonbelasting. E meta tabata pa un director-accionista no abusa di e sistema y paga su mes un salario serio. Asina e ley ta combati un inhusticia pa cu e pueblo trahado y un custumber cu ta crea competencia inhusto cu ta afecta nos economia. Si e ley ta efectivo awe, un di e efectonan secundario ta mas placa den caha di gobierno pa inverti den enseñansa, cuido y subsidionan social. Pero, bende esey manera e meta principal di e ley ta simplemente un engaño diseña pa pinta Evelyn y Xiomara como gobernantenan inepto y haragan pa placa.



Dello, stop di bruha tera, pasobra e berdad ta simpel: reformanan fiscal ta traha. Berdad hopi abogado ta basa nan carera riba mentira. Sinembargo bo sa cu segun etica profesional pueblo mester por confia cu un abogado ta honesto y cu e ta pone berdad riba un pedestal. Esaki no ta conta solamente ora bo ta representa bo clientenan, pero tambe ora bo kier briya como experto riba e plataforma cu mas esfuerso ta haci pa normalisa corrupcion y mina nos estado di derecho.



Prome Minister Evelyn Wever-Croes:

Celebrando bida, lucha y logronan di Betico Croes:

PROME MINISTER A BISHITA MUCHANAN DI 6DE KLAS NA SCOL CACIQUE MACUARIMA



- Manera ta conoci, tur Betico, Prome Minister aña den conexion cu e Evelyn Wever-Croes ta celebracion di Dia di bishita varios scol pa asina



por mira con e scolnan ta prepara pa e gran dia aki. E prome scol cu Prome Minister a bishita dialuna mainta tabata Cacique Macuarima na Santa Cruz na unda e tabata tin e oportunidad di saluda y combersa cu alumnonan di klas 6 A y 6 B.

Prome Minister a expresa cu e meta di e bishitanan aki ta pa splica e muchanan di e edadnan aki un poco di Betico su bida, su lucha y su logronan pa pais Aruba. Ta importante pa

nan compronde cu tempo cu Betico tabata tin nan edad, e tabata un mucha comun, mescos cu nan, cu tabata gusta bay scol, tabata gusta haci deporte, y tin biaha tabata bay bon na scol y tin biaha no. Loke si semper Betico tabata tin di chikito tabata su amor pa e pais aki, y pese'y ta bon pa e muchanan aki crece sabiendo cu nan cada un tin un poco di Betico den nan, y cu nan tambe por logra cosnan grandi den futuro.

"Mi kier gradici cabesante di Scol Cacique Macuarima Juf Rachelle Croes-Caster, Juffrouw Karin di klas 6A y juffrouw Jasmine di klas 6B pa e oportunidad cu nan a duna mi di por a bishita nan scol. Tambe un danki na tur e alumnonan pa un mainta hopi agradabel y e oportunidad di por a comparti tur e informacionnan importante relaciona cu nos Libertador Betico Croes", Prome Minister a expresa.

**Prome Minister Evelyn Wever-Croes:
Den conexion cu Dia di Betico**

MUCHANAN DI 5DE KLAS DI REINA BEATRIX SCHOOL TAMBE A HAYA BISHITA DI PROME MINISTER

**“Ban demostra cu orguyoso di a conoce un gran
persona manera Betico Croes”**



- Tur aña, un siman prome cu e celebracion di Dia di Betico, Prome Minister Evelyn Wever-Croes ta cuminsa cu su bishitanan na varios scol basico na unda e tin e oportunidad di duna charla riba bida, lucha y logronan di Aruba su Libertador Betico Croes.

Riba e prome dia, dialuna

mainta Prome Minister a bishita varios scol di cual uno ta Reina Beatrix School. Akinan e tabata tin e oportunidad di combersa y duna su charla na tur e alumnonan di 3 Klas 5. Prome Minister a expresa cu e alumnonan aki ya caba sa hopi di e bida di Betico, pero a haci algun pregunta di cual Prome



Minister a contesta.

Prome Minister a expresa cu e bishitanan aki semper ta yene di orguyo, pasobra e ta realisa con hopi e muchanan cu ta nos futuro generacion sa di e bida di Betico, y esaki ta yuda hopi na mantene e legado di nos Libertador bibo. E ta sigur importante pa e muchanan aki lanta y crece sabiendo cu cada un di nan tin algo di Betico den nan, y cu si nan tin e determinacion, nan lo por logra cosnan grandi den futuro pa pais Aruba.

"Un danki na e cabesante di scol Jufrouw Rosalinda y e docentenan y alumnonan di klas 5. E docentenan a haci un bon trabou den educa e alumnonan di klas 5 riba e historia di Betico Croes y riba tur loke el a significa pa pais Aruba.



Mi ta felicita nan pa e bon trabou y alaves kier a invita cada un di nan y e alumnonan tambe pa e manifestacion cultural cu lo tuma luga diabierna 24 di Januari pa 7:30 pm, na Plaza Betico Croes, cu ta un expression di canto, baile, poësia etc.. masha

bunita. Tambe lo tin varios tent di cuminda y artesanía típico di Aruba. Ban hisa e bandera y demostra cu orguyo, e orguyo cu nos ta sinti cu e pais aki a conoce un gran persona manera Betico Croes" Prome Minister a expresa.

AMBULANS MESTER A BAY PA UN MUCHA TURISTA DI 12 AÑA CU NO POR A HALA ROSEA

Diadomingo mainta na drenta informe di cu un mucha turista di 12 aña lo a bira malo na un Air Bnb banda di hospital, mesora

a dirigi un ambulans na e sitio. na yegada di e ambulans nan a pone e mucha y a bay mesora cun'e pa hospital.



BOMBERONAN A BAY CAMACURI PA YUDA PONE UN PASHENT DEN AMBULANS



Diadomingo mey anochi a drenta informe di di cu un persona a bira malo na un apartamento na Camacuri, mesora a dirigi ambulans na e sitio.

Na yegada di e ambulans a bin compronde cu aki ta trata di un pashent cual mester di bombero pa yuda pone e persona den e ambulans.

Na yegada di bombero cu nan ayudo a logra saca e pashent y pone den ambulans pa asina por hib'e pa hospital.

CEDE DI BBQ DIA DI BETICO Y DIADOMINGO DI 26 JANUARI

NA SIRIBANA 45B DELANTI DI
JUMBO RESTUARANT.
MENU

BBQ
MIX
GALINJA
LOIN RIBS
LOMITO
PALO DI
GALINJA, LOMITO y LOMITO/GALINJA
1/2 GALINJA

TUR CUMINDA TA BIN CU SALADA BATATA,
MAISHI, PORK&BEANS Y PAN.

TAMBE POR HAJE CU AROOS CON POJO
ETA COSTA EXTRA.

**PA PEDIDO POR JAMA OF
WHATS APP NOS NA 7497071
FELIS DIA DI BETICO NA
BOSO NAN TUR**

Clasificados

SOLODIPUEBLO@GMAIL.COM
CEL.585 9500

SOLO
Di Pueblo

Otro Dia di Betico na MANA cu informacion y recreacion



Diasabra dia 25 di januari 2025, Museo Arqueologico Nacional Aruba – MANA, lo habri pa publico di 10’or di mainta te 3’or di atardi pa bishitante di tur edad. Pa e ocasion special aki lo tin actividadnan extra manera charla, activacion di exposicion temporario y tayer.

Arkeologo Raymundo Dijkhoff lo duna e prome lectura di un ciclo di tres charla tocante e santana historico na Sta. Cruz 35. E lo elabora riba e excavacionnan cu a tuma lugar den 2001, 2012 y 2016. Lo amplia di e experiencia di e team di arkeologo y tambe di e impacto di e hayazgonan riba nos mira riba Aruba su historia. E presentacion lo ta di 11’or pa 12’ or den auditorio. Tin oportunidad pa haci pregunta y intercambia cu e arkeologo.

Bishitantenan por experencia e exposicion temporario nobo “Interlasado: Pasado Presente”, di e artista Velvet Zoé Ramos. Den e exposicion aki, cu lo sigui desaroya durante 2025, e artista ta combina dos concepto: ‘E Fiesta y Interlasado’. Pa medio di instalacion interactivo y evento publico, e exposicion ta crea un dialogo, invitando cada participante pa reflexiona riba e metafora di simia y ciclo di crecimiento.

Ramos ta un artista interdisciplinario biba na Aruba. E ta explora empatia pa medio di arte di instalacion, print y video. El a participa na diferente exposicion y proyecto local y internacional. El a representa Aruba na e Mykonos Biennale 2021 y a ser selecta pa e di 19 Biennale Asiatico na

Bangladesh 2022. Tambe el a ricibi e ‘Studio Caribe Film Fonds Development grant 2024-25’ pa su pelicula experimental cortico ‘Adrift/ ‘Wak leu’. Artista visual Jo-ann Kock - Ridderstap lo duna un tayer di ‘Healing Art’ pa tur edad. Experimentando arte neurografico por crea ‘mindfulness’ y trankilidad. E tayer ta pa tur persona cu ta desea pa explora creatividad y otro forma pa balansa bida.

E artista ta traha cu diferente medio manera verf di awa, azeta y crayons. E tayer lo ta a base di ‘first come first serve’ y lo tin dos tanda. Un lo cuminsa 10’or di mainta y e otro pa 1’or di merdia den edificio di glas na Schelpstraat prome piso. Ta pidi un contribucion di diez florin pa persona.

Den e mes un edificio parti abou Chef Orlando di Chichi Catering lo tin dushi cuminda crioyo na benta, manera cabrito stoba, sopi carni,



pasaboca, y tambe bebida refrescante.

Bin pasa un Dia di Betico placentero den ambiente

familiar y inspirativo na Museo Arqueologico Nacional Aruba!



ALBERTO KLABER A ENTREGA PRESIDENTE DI ARUBA TAEKWONDO BOND UN PLAKKAAT

Master Alberto Klaber di Brazil Taekwondo Stichting a entrega Presidente di Aruba Taekwondo Bond "ARTBO" Master Moises Fernandez un Plakkaat pa su dedicacion y atencion na Taekwondo Team Aruba.

Master Moises Fernandez a keda hopi sorprendi di por a ricibi un Plakkaat, pasobra e no a spera esaki.

Master Moises Fernandez no tabata presente na e Cena di Pasco pa motibo di otro compromisonan. Masha danki Master Moises Fernandez pa tur sosten.

Palabranan di Gratitude na Master Moises Fernandez ariba e Plakkaat: Taekwondo Team Aruba is proud to acknowledge

and present this Award to Master Moises Fernandez for his dedication and contribution to Taekwondo Team Aruba throughout the year 2024.



TIKTOK TA REESTABLECE SU SERVICIO NA MERCA DEBI NA E GARANTIANAN RICIBI DI TRUMP

TikTok a declara diadomingo awor cu e ta den proceso pa restaura su servicio na Merca debi na e garantianan ofreci na su proveedornan pa e presidente Mericano elegi, Donald Trump, kende a asumi su cargo dialuna.

«TikTok ta den proseso

pa restorá servicio. “Nos ta gradisí presidente Trump pa duna e klaridat i siguransa nesario na nos dunadónan di servicio ku nan lo no enfrentá sanshon ora di duna TikTok na mas ku 170 miyon mericano,” e plataforma a bisa den un deklarashon.

UN HOMBER A KIBRA UN BOTER DEN CARA DI UN OTRO PERSONA

Diadomingo madruga a drenta informe di un caso di maltrato cu hende herida na e hotzone banda di hotelnan highrise, mesora a dirigi polis cu

ambulans na e sitio. Na yegada di e patruya a bin compronde cu aki ta trata di un caso unda cu un persona lo a kibra un boter den cara di otro persona,

pero ya caba e victima a bay cu algun amigo pa hospital.

E agresor tambe a bandona e sitio y nan a cancela e ambulans.



FLOATING FARM PA PROME BIAHA INTRODUCI NA ARUBA



Manera nan ta bisa si tin 1% di posibilidad mester sigui hasi esfuerso y empeño pa mira si por logra.

Tabata aña pasa 2024 cu director di Departamento di Agricultura, Cria y Pesca, Santa Rosa sra. Nathalie Maduro a hasi un bishita di trabou na Rotterdam, Hulanda caminda ela bishita un ganaderia cu ta construi riba awa. Un Floating Farm cu ta produci keeshi. Sra. Maduro a haya esaki hopi interesante. Aki ta caminda tur cos a cuminsa pa mira kico por ta e posibilidadnan pa logra un proyecto di e magnitud aki pa Aruba. Den transcurso di siman pasa gobierno di Aruba pa medio di Santa Rosa a extende un invitacion na esnan responsabel pa e Proyecto aki pa bishita Aruba pa un introduccion y presentacion. Aki ta caminda cu a invita sr. Peter Wingerden cu ta e CEO di e Floating Farm. Pa sondea e posibilidadnan aki pa Aruba a invita strategicamente varios departamento di gobierno y tambe stakeholdernan pa por forma parti di e session di introduccion y presentacion cu a tuma lugar diabierna ultimo.

E mainta a cuminsa cu palabra di bonbini na tur presente di parti sra. Nathalie Maduro director di Santa Rosa. Despues a continua cu e introduccion y presentacion di sr. Peter Wingerden cu a bai hopi detaya den su presentacion. A splica entre otro kico ta e tipo di animalnan por wordo uza pa e farm aki. Con e structura ta pa por ta riba awa. Si por adapta algo asina pa Aruba kisas uzando otro tipo di animalnan. Su locacion tambe lo ta uno di interes pa por desaroya e structura y asina por sigui mencion. Por a admira varios hefe di diferente departamento di gobierno cu tabata presente pa pone nan mes na altura di e Floating Farm. Diferente stakeholder tabata presente di cual mayoria a haya e presentacion hopi interesante. Despues di e presentacion tur invitado tabata tin amplio oportunidad di hasi pregunta riba un of otro inkietud.

Riba combinacion di foto por admira e acontecimientonan cu a tuma lugar y invitadonan presente intercambiando di idea y opinion riba e presentacion di Floating Farm y su posibilidad di



existencia na Aruba y su beneficianan.

Na nomber di Departamento di Agricultura, Cria y Pesca Santa Rosa nos ta gradici tur esnan cu tabata presente pa nan aporte cu idea y/of opinion na e introduccion y presentacion pa prome biaha Floating Farm na Aruba.

Gradiciendo tambe sr.



Peter Wingerden CEO di Floating Farm Rotterdam,

Hulanda pa exitoso y interesante presentacion

CUERPO DI BOMBERO A BAY YUDA AMBULANS BAHA UN HENDE CU A BIRA MALO DEN CASINO



Diasabra anochi a drenta informe di cu un persona a bira malo den un casino

na Oranjestad, mesora a dirigi ambulans na e sitio. Na yegada di e ambulans

nan a atende cu e persona pero ya cu mester baha e persona for di un

trapi halto a rekeri presencia di bombero na e sitio. Na yegada di e bomberonan

nan a yuda e personal di e ambulans pa baha e persona cu a bira malo.

DEN E ÚLTIMO MINUTNAN DI SU MANDATO, BIDEN TA FIRMA UN INDULTO PREVENTIVO PA SU TRES RUMANNAN




E presidente di Merca, Joe Biden, dialuna awor a pordona preventivamente miembronan di su famia, incluyendo su ruman homber James,

algun minuut despues di a bandona poder. E ta “un pordon total y incondicional” pa cualkier acto “no violento” cu nan a comete entre 2014 y awe.






























Esnan pordoná ta su rumannan James, Valerie i Francis Biden i e kasánan di e promé dosnan, Sara Biden i John Owens. Di

e sinku miembronan di famia, esun cu e profil mas haltu pa tabatin un

karera di negoshi mas serka di e presidente ta James Biden.



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - January 20, 2025

 <p>Sorteo # 4513</p> <p>1262</p> <p>3583</p> <p>9395</p> <p>X2</p> <p>4</p> <p>Sorteo # 4513</p> <p>6587</p> <p>X2</p> <p>1000</p> <p>Sorteo # 2569</p> <p>6641</p> <p>12</p> <p>Sorteo # 4513</p> <p>9897</p> <p>Acuario</p> <p>3</p> <p>Sorteo # 1387</p> <p>653</p> <p>X2</p>	<table><tr><td><p>Sorteo #</p><p>0 x Jackpot</p><p>0 x Match 4+</p><p>0 x Match 4</p><p>0 x Afl. 12,00</p></td><td><p>Joker Letter</p><p>Proximo Jackpot</p><p>230.000,-</p></td></tr><tr><td><p>Sorteo #</p><p>0 x Jackpot</p><p>0 x Match 4</p><p>0 x Afl 8,00</p></td><td><p>Proximo Jackpot</p><p>105.000,-</p></td></tr><tr><td><p>Sorteo #</p><p>0 x Jackpot</p><p>0 x match 4</p><p>0 x Afl. 500,00</p><p>0 x Afl 50,00</p><p>0 x Afl.15,00</p></td><td><p>Mega Ball</p><p>Proximo Jackpot</p><p>650.000,-</p></td></tr><tr><td><p>Afl. 1.000.000,-</p></td><td></td></tr><tr><td><p>Sorteo #</p></td><td><p>Sorteo #</p></td></tr><tr><td></td><td></td></tr></table>	 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker Letter</p> <p>Proximo Jackpot</p> <p>230.000,-</p>	 <p>Sorteo #</p> <p>0 x Jackpot</p> <p>0 x Match 4</p> <p>0 x Afl 8,00</p>	<p>Proximo Jackpot</p> <p>105.000,-</p>	 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl 50,00</p> <p>0 x Afl.15,00</p>	<p>Mega Ball</p> <p>Proximo Jackpot</p> <p>650.000,-</p>	 <p>Afl. 1.000.000,-</p>		 <p>Sorteo #</p>	 <p>Sorteo #</p>		
 <p>Sorteo #</p> <p>0 x Jackpot</p> <p>0 x Match 4+</p> <p>0 x Match 4</p> <p>0 x Afl. 12,00</p>	<p>Joker Letter</p> <p>Proximo Jackpot</p> <p>230.000,-</p>												
 <p>Sorteo #</p> <p>0 x Jackpot</p> <p>0 x Match 4</p> <p>0 x Afl 8,00</p>	<p>Proximo Jackpot</p> <p>105.000,-</p>												
 <p>Sorteo #</p> <p>0 x Jackpot</p> <p>0 x match 4</p> <p>0 x Afl. 500,00</p> <p>0 x Afl 50,00</p> <p>0 x Afl.15,00</p>	<p>Mega Ball</p> <p>Proximo Jackpot</p> <p>650.000,-</p>												
 <p>Afl. 1.000.000,-</p>													
 <p>Sorteo #</p>	 <p>Sorteo #</p>												
													

PELICULA FILOMENA A RICIBI SU KADUSHI DI ORO



Durante entrega di premio di e festival di pelicula Krioyo Film Festival na Corsou, e pelicula cortometrahe “Filomena” di Chami film studio a ricibi e galardón “Kadushi di Oro” como aprecio di participacion. E storia riba spiritonan den e cas antiguo cu no gusta cierto actonan di sernan humano tawata skirbi pa Ephrayim Odor. E actornan tawata Samir Angel, Beach Lama, Zulaika Dirkz y Xian Iva Croes. Director di fotografia ta Ronny Dotel. “Filomena” a conta cu e produccion di Creator films, Bad publicity entertainment y Chahmi Film Studio. E pelicula aki tawata produci den 2024 y tawata tambe e miho pelicula cortometrahe

di Playa Film Festival di CineAruba. E productor ehecutivo ta “Djis pa hari media verse”.



SUDOKU

	7		6					
	9		5		3		1	7
				1				
	8						4	3
		2				6		
4	5						7	
				3				
7	4		2		5		6	
					4		2	

	3	8	5	7			9	
	6			1		5		7
	1		3		9		8	
6	9	3		4		7		
2		4			5		6	1
				8			4	9
8			4			9		
3					8	6	7	
5	7		1					4

			8		1			
						4	3	
5								
				7		8		
						1		
	2			3				
6							7	5
		3	4					
			2			6		

Press Release

Cupcake di Speransa 2025

Nos ta dilanti otro celebracion di Dia di San Valentin y dilanti otro bunita proyecto di “Cupcake di Speransa 2025” celebrando su decimo aniversario. Un proyecto cu a start na 2016 den Caya Grandi para cu 200 Cupcake y cu aña tras di aña a keda crece. Na aña 2016 e fondonan recauda tabata pa Baby Luna, na 2017 na Sra. Koolman , na 2018 dedica na 2 Fundacion pa mucha, na 2019 pa Ethan, na 2020 dedica na Ethan un biaha mas y tambe Guinni, na 2021 pa Shady , na 2022 e Cupcake di Speransa a bai pa Janelle, na 2023 dedica na Aljereau y na 2024 dedica na Famia Rasmijn

y Baby Jeremiah y pa aña 2025 esaki lo wordo dedica na un hoben special di 15 aña yama Richeline. Richeline ta un hoben special cu autismo y durante e ultimo añanan aki a cuminsa sinti diferente sintomanan cu ainda dokternan mes ta purba saca afo kico e tin precies y den e caso aki su sra. Mama ta buscando e forma pa asina por biaha cune den exterior pa check un Segundo opinion kico por ta e causa di malestarnan di su yui. Segun e mama ta conta nos cu e color di cuero di e hoben ta cambia, e ta bai flauw constant, y ta pensa tambe cu e lo a haña un atake cu ta haci cu e ta debil constantemente y ta

drumi masha hopi mes, siendo cu Richeline tabata un mucha hopi activo yena di energia awor hasta den un rolstoel e ta mobilisa de vez en cuando paso e no tin forsa den su pianan. Abo tambe por ta parti di e yudansa aki pa Richeline door di cumpra Cupcake di Speransa 2025. E minimo di order ta 1 dozijn (12 Cupcake) pa 60 florin y bo mag di bestel cuanto cu ta desea. Un bon opcion pa amigonan comerciante cumpra pa nan empleadonan y clientenan y tambe den famia por haci esaki. Lo parti e Cupcakenan dianan 13 y 14 February y lo entrega esakinan na cas of trabou. Pa bestelling por manda un Whatsapp 561-61-51 cerca George y bestel esun dibo, por paga cash dia di deliver y tambe por paga via online tambe cuenta ta Aruba Bank y e cuenta ta 600-648-0190 tambe si ta desea di por contribui cu algo monetario por haci esaki. GLW Foundation ta contento di por sigui aporta



cu boso ayudo pa un otro hoben por sigui check su salud den exterior. Aruba ban uni un biaha mas pa asina nos por yuda un hoben pa busca su salud.

Ban celebra e Dia di San Valentino aki comiendo un dushi bolo y demonstra bo amor y Amistad na un otro persona, Order esun dibo awor mes 561-61-51.



Oracion di dia


Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. ”...pa nan tambe confia denSEÑOR, no lubida Dios su obranan grandi...”(Sal 78, 7) Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di Bo Maraviya. Y inspira nan pa nan sigui conta na e siguiente generacion. Amen.

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forsa durante e tempo dificil cu e fayecimento y entierro di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atenshon tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compaña nos na un Santo Sacrificio di Misa na misa Inmaculada Concepcion; Diabierna 24 Januari Boso presencia ta altamente aprecia